


評古

乙文

古韻

文語



叢書集成

初編

主編者
王雲五

商務印書館發行


083

114

2:1822



古 文 韻 語



3 0649 7581 0

楊 慎 撰

A411082



本館據函海本排
印初編各叢書僅
有此本

升菴禱採古占繇銘識贊祝之詞。爲古文韻語一卷。引證博而音釋詳。好古者爭先快覩。於以見昔人重文。而用韻之書。自六經而外。亦時見於他說也。然其閒亦有不可強通者。則當略韻而取其文焉。或曰韻風度也。韻語與雅言訓同亦通。童山李調元雨村序。

古文韻語卷一

明 新都楊慎撰 清 綿州李調元校定

女媧筮辭易緯女媧張雲壽

昭昭九州日月代極均平土地和合四國

羿妻筮辭靈憲

羿請不死之藥於西王母姮娥竊之以奔月筮於有黃有黃曰吉

翩翩歸妹獨將西行逢天晦芒毋驚毋恐後其大昌

連山繇辭山海經注

空山之蒼蒼八極之既張乃有夫羲和是主日月職出入以為晦明

歸藏繇辭太平御覽

有人將來遺我貨貝以至則徹以求則得有喜將至良人得其玉君子得其粟

有鳧鴛鴦有鴈鸕鷀

鼎有黃耳利取鯁鯁同鯁爾雅

歸藏齊母經辭爾雅

瞿有瞿有音介宵梁為酒尊於兩壺兩輸飲之三日然後蘇士有澤我取其魚

君子戒車。小人戒徒。闕有白雲。自蒼梧入於大梁。上有高臺。下有離池。若以賈市。其富如河海。

周穆王筮獵辭

藪澤蒼蒼。其宜傳正公。戎事則從。

魯桓公筮成季傳

同復於父。敬如公所。

秦伯筮伐晉

千乘三去註。同三去之餘。獲其雄狐。

晉筮嫁伯姬於秦繇

士刳羊。亦無盍也。女承筐。亦無貺也。西鄰責言。不可償也。歸妹之睽。猶無相也。

晉厲公筮擊楚子

南國蹙。射其元。王中厥目。

夏后鑄鼎兆辭

逢逢白雲。一南一北。一西一東。九鼎既成。遷於三國。

桀伐唐兆辭

不利出征。惟利安處。彼爲狸。我爲鼠。勿用作事。恐傷其父。

文王卜田兆

非龍非彫。非熊非羆。兆得公侯。天遣汝師。

姜后卜兆辭

汲冢師春

周穆王姜后孕。越姬嬖。竊而育之。斃以元鳥。二七塗以斃血。王發書而卜之。兆曰。

蜉蝣之羽。飛集於戶。鴻之戾止。弟弗克理。重靈降誅。尙復其所。于是王問諸史。約曰。蟲飛集戶。是曰失所。親將留其身。歸于母氏。而後復寧。毋而藏之。厥休將振。居三月。越姬死。七日而復。言其情曰。爾夷隸也。胡竊君之子。不歸。將置而大戮。及王子曰始。

陳敬仲卜妻兆

鳳皇于飛。和鳴鏘鏘。有媿之後。將育于姜。五世其昌。並于上卿。八世之後。莫與之京。

晉獻公卜伐驪戎兆

挾以銜骨。齒牙爲猾。戎夏交狎。

晉卜立驪姬兆

專之渝。褻公之俞。字一薰一蕕。十年尙猶有臭。

魯桓公卜成季兆

間於兩社。爲公室輔。

衛卜殺渾良夫兆

如魚蠖尾。衡流而方羊。裔焉大國。滅之將亡。闔門塞寶。乃自後踰。

衛卜追鄭師兆

兆如山陵。有夫出征。而喪其雄。

周公卜洛命龜辭說苑

予一人兼有天下。辭就百姓。敢無中土乎。下音虎

周公卜曲阜命龜辭

作邑乎山之陽。賢則茂昌。不賢則速亡。

漢文帝卜卽位兆

大橫庚庚。余爲天王。夏啓以光。以上筮辭。卜兆之辭。

巾机銘帝黃

予居民上。搖搖恐夕不至朝。惕惕恐朝不至夕。兢兢慄慄。日慎一日。人莫躓于山而躓于埳。

衣銘武玉

桑蠶苦女工難。得新捐故。後必寒。

鏡銘

以鏡自照見形容。以人自照見吉凶。

鑑銘

見爾前。慮爾後。

薦銘

樂極則悲。沉湎致非。社稷惟危。

簞豆銘

食自杖。食自杖。戒之橋。橋則逃。

几銘

安無忘危。存無忘亡。孰是二者。必後無凶。

杖銘

輔人無苟。扶人無咎。

杖銘

惡乎危。於忿寔。惡乎失道。於嗜欲。惡乎相忘。於富貴。

籩銘

毫毛茂茂。陷水可脫。陷文不活。

箠銘

馬不可極。人不可劇。馬極則殘。人劇則敗。

冠銘

寵以著首。將身不正。遺爲德咎。

履銘

行必虛正。無懷僥倖。

屨履銘

慎之勞。勞則富。

劍銘

常以服兵。而行道德。行則福。廢則覆。

劍銘

帶之以爲服。動必行德。行德則興。倍德則崩。

車銘

自致者急。載人者緩。取□無度。自致而反。

門銘

敬遇賓客貴賤無二

戶銘

出畏之入懼之

戶銘

名難得而易失無懃弗志而曰我知之乎無懃弗及而曰我杖之乎闕阻以泥之若闕將至必先搖搖雖有聖人不能為謀也

廳銘

隨天時地之財敬祀皇天敬以先時

廳銘

闕望窓可念所得且思所忘窓或奕字說文烏到切室西南窗也

鎗銘

昏謹守深察訛

硯銘

石墨相著則黑邪心讒言得無汚白

鋒銘

忍之須臾，乃全汝軀。

刀銘

刀利磴磴，無爲汝開。

弓銘

屈申之義，廢興之衡，無忘自過。

矛銘

造矛造矛，少闕不愆，終闕之萃，予一人所聞，以戒後世子孫。

帶銘

火滅修容，慎戒必恭。闕三字

機銘

皇皇惟敬，口生啗口。闕三字

非銘

原泉滑滑，連旱則竭，取事有信，賦斂有節。

席前左端銘

安樂必敬。

席前右端銘

無行可悔。

後左端銘

一反一側亦不可以忘。

後右端銘

所見不違視爾所代。

盥盤銘

與其溺於人也。寧溺於淵。溺於淵猶可游也。溺於人不可救也。

楹銘

毋曰胡殘其禍將然。毋曰胡害其禍將大。毋曰胡傷其禍將長。

金人銘

戒之哉。無多言。無多事。多言多敗。多事多害。安樂必戒。無行所悔。勿謂何傷。其禍將長。勿謂何害。其禍將大。勿謂不聞。神將伺人。焰焰不滅。炎炎若何。涓涓不塞。終成江河。綿綿不絕。或成網羅。豪末不扎也。將尋斧柯。誠能慎之。福之根也。曰是何傷。禍之門也。強梁者不得其死。好勝者必遇其敵。盜憎主人。民怨其上。君子知天下之不可上也。故下之。知衆人之不可先也。故後之。溫恭慎德。使人慕之。執雌持下。人莫踰之。

人皆趨彼。我獨守此。人皆惑之。我獨不徙。內戚乃智。不示人技。我雖尊高。人弗我害。天道無親。常與善人。戒之哉。

金匱銘古音略例。堯作黃帝。振振作備備。

堯之居民上也。振振如臨深淵。舜之居民上也。慄慄恐朝不及夕。武王曰。吾并殷民。居其上也。翼翼懼不敢息。

商鼎銘語

噉噉之德。不足就也。不可以矜。而祇取憂也。憂叶音。作去聲讀。噉噉之食。不足狃也。不能為膏。而祇離其咎也。

譏鼎銘傳左

昧且丕顯。後世猶怠。

正考父鼎銘

一命而僂。再命而傴。三命而俯。循牆而走。亦莫敢余侮。饘於是。粥於是。以糊余口。

孔惺鼎銘

六月丁亥。公假于太廟。公曰。叔舅。乃祖莊叔。左右成公。成公乃命莊叔。隨難于漢陽。即宮于宗周。奔走無射。啓右。獻公。獻公乃命成叔。續乃祖服。乃考詞二與舊嗜欲。作率。慶士躬恤衛國。其勤公家。夙夜不解。民咸曰。休哉。公曰。叔舅。予女銘。若續乃考服。惺拜稽首曰。對揚以辟之。勤大命。施于蒸彝鼎。

郊鼎銘古岐字此周鼎也至漢世出見郊祀志

王命尸臣官此郇邑賜爾旂鸞黼黻珣戈尸臣拜手稽首曰敢對揚天子丕顯休命

師春銘

炎炎者滅隆隆者絕的的者獲提提者射

臬氏量銘考工記

時文思索允臻其極嘉量既成以觀鄭康成注示也四國永啓厥後茲器維則

祭侯器銘

惟若寧侯母或者女不寧侯不屬于王所故抗而射女強飲強食詒女曾孫諸侯百福

衛靈公掘沙邱石梯銘莊子

不馮其子靈公奪而里

漢滕公掘石銘

佳城鬱鬱三千年見白日嗟哉滕公居此室

梁大同圮墓銘

龜言土著言水旬服黃鍾啓靈址瘞在三上庚墮遇七中巳六千三百浹辰交二九重三四百圮梁大同四年七月任叻子錫山城中得銘曰云云當時其能辨因藏之戒諸子曰世世以銘訪通人有知之者吾死無恨叻五世孫升之曰居商洛宮以示鄭欽說欽說出使得之于長樂驛至數方三十里而悟曰卜宅者罔葬

之日月而先畿墓圮日辰旬服五百也黃鍾十一也縣大同四年郤求漢建武四年凡五百一十一年葬以三月十日庚寅三上庚也圮以七月十二日己巳七申巳也漢建武四年三月至大同四年七月十日距大同四年七月十二日十八萬六千四百四十九日故曰二九重三四百圮升之大驚服

古鑑銘

漢有善銅出丹陽和以銀錫清且明左龍右虎尙三光朱雀元武順陰陽

尙方作鑑真大好上有仙人不知老渴飲玉泉饑食棗

漢剛卯銘

正月剛卯既央靈爻四方青赤白黃四色是當帝令祝融以教夔龍庶疫剛瘴莫我敢當

疾已嚴卯帝令夔化順爾固伏化茲靈爻既正既長既觚既方庶疫剛瘴莫我敢當

麟鳳銘

漢威德中興即政二年辛酉之節首歷四十青龍三月季春爰立碑石順典禮文九九度數萬世常存

天有奇鳥名爲鳳皇時下有德民富貴昌黃龍嘉禾皆不隱藏漢德威威永布宣揚

天有奇獸名曰麒麟時下有德安國富民忠臣節疑說一字義以修身聞愆來善明明我君

漢祝長嚴新碑銘

惟漢中興卯金休烈和平元年歲治東宮星屬角房月建朱鳥中宮之均萬物慈射華澤青葱跂行蟠息咸守厥常人物同授獨遭災霜顛質徂落壽不寬宏經設三命君獲其殃

漢從事武梁銘

懿德元通。幽以明兮。隱居靖處。休曜章兮。樂道忽榮。幽蘭芳兮。身役名存。傳無疆兮。

商箴

天曰順。順維生。地曰固。固維寧。人曰信。信維聽。

又

天降災布祥。並有其職。

周箴

夫自思念。學德未暮。

周虞人箴

芒芒禹跡。畫爲九州。經啓九道。民有寢廟。獸有茂草。各有攸處。德用不擾。在帝夷羿。冒于原獸。忘其國恤。而思其麀牡。武不可重。用不恢于夏家。獸臣司原。敢告僕夫。

夏箴

中不容利。民乃外次。

開望箴

土廣無守。可襲伐。土狹無食。可圍竭。二禍之來。不穰之災。天有四殃。水旱饑荒。其至無時。非務積聚。何以

備之。

楚箴

人生在勤，勤則不匱。

古箴

不大其棟，不能任重。重莫若國，棟莫若德。

揚雄酒箴

觀瓶之居，居井之眉。處高臨深，動常近危。酒醪不入口，藏水滿懷。不得左右，牽於纆徽。一旦重或恐作憂也礙，礙為瓮所羈。身提黃泉，骨肉為泥。自用如此，不如鴟夷。鴟夷滑稽，腹如大壺。盡日盛酒，人復借酤。常為國器，託於屬車。出入兩宮，經營公家。由是言之，酒何過乎。

元日祈穀辭符公

皇皇上天，昭臨下土。集地之靈，降甘風雨。庶物羣生，各得其所。靡今靡古，維予一人，敬拜皇天之祐。

迎日辭

明光于上下，勤施於四方。旁作穆穆，維予一人，敬拜迎于郊。

救日食祝辭周官太祝注

炤炤大明，殲滅無光。柰何以陰侵陽，以卑侵尊。

零祭禱辭梁法

方今大旱野無生稼寡人當死百姓何謗不敢煩民請命願撫百姓以身塞無狀

成王冠頌祝雍作
見家語

令月吉日王始加元服去王幼志心衰職欽若昊天六月是式率是祖考永永無極

漢孝昭冠辭戴

仲夏之吉日遵並大道芬或乘集萬福之休靈始加昭明之元服推免冲孺之幼志本作推諱免也崇
幼志注云免弱也崇
積文武之寵德肅勤高祖清廟六合之內靡不息陛下永永與天無極

冠禮始加祝儀禮

令月吉日始加元服棄爾幼志順爾成德壽考維祺介爾景福

再加祝

吉月令辰乃申爾服敬爾威儀淑慎爾德眉壽萬年永壽胡福

三加祝

以歲之正以月之令咸加爾服兄弟具在以成厥德黃耆無疆受天之慶

禮辭

甘醴維厚嘉薦令芳拜受祭之以定爾祥承天之休壽考不忘

醴辭

旨酒既清。嘉薦宜時。始加元服。兄弟具來。孝友時格。永乃保之。

再醴辭

旨酒既清。嘉薦伊脯。乃申爾服。禮儀有序。祭此嘉爵。承天之祜。

三醴辭

旨酒令芳。邊豆有楚。咸加爾服。殺升折俎。承天之慶。受福無疆。

字辭

禮儀既備。令月吉日。昭告爾字。爰字孔嘉。髦嘉攸宜。宜之于假。永受保之。

昏禮父命子辭

往迎爾相。承我宗事。勗率以敬。先妣之嗣。若則有常。

父命女詞

戒之戒之。夙夜無違命。

母命女辭

勉之敬之。夙夜無違宮事。

庶母命女辭

敬恭聽宗爾父母之言。夙夜無愆。視諸衿鞶。

少牢嘏辭

禮儀

皇尸命工。祝承致多福。無疆于女孝孫。來女孝孫。使女受祿于天。宜稼于田。眉壽萬年。勿替引之。

漢侂子逐疫辭

甲作食凶。服胃食虎。雄伯食魅。騰簡食不祥。攬諸食咎。伯奇食夢。強梁祖共食磔。死寄生。隨委食觀。錯斷食巨。窮奇騰根共食蠱。凡使十二神。追凶惡。赫女軀。拉女幹節。解女肉。齧女肺腸。女不急去。後者爲糧。

翦贖戰禱辭

曾孫翦贖。敢昭告皇祖文王。烈祖康叔。文祖襄公。鄭勝亂從。晉午在難。翦贖不敢自佚。備持矛焉。敢告無絕筋。無折骨。無面傷。以集大事。無作三祖羞。大命不敢請。佩玉不敢愛。

同盟于亳載書

凡我同盟。無蘊年。無壅利。無保姦。無留慝。救災患。恤禍亂。同好惡。獎王室。或間茲命。司慎司盟。名山名川。先王先公。羣神羣祀。七姓十二國之祖。明神殛之。俾失其民。隊命亡氏。踣其國家。

孔子誄

公哀

昊天不吊。不憝遺一老。俾屏余一人。以在位。焚焚余在疚。嗚呼哀哉。尼父。無自律。

柳下惠誄

下惠妻列女傳

夫子之不伐兮。夫子之不竭兮。夫子之誠信而與人無害兮。屈柔從俗。不強察兮。蒙恥救民。德彌大兮。雖
遇三黜。終不蔽兮。豈弟君子。永能厲兮。嗟呼惜兮。乃不世兮。庶幾遐年。今歲逝兮。嗚呼哀哉。魂神泄兮。夫
子之謚。宜為惠兮。

黃帝禁

聲禁重。色禁重。衣禁重。香禁重。味禁重。室禁重。重作第
一聲讀

黃帝命嫫母

屬女德而弗忘。與女正而弗衰。雖惡奚傷。

黃帝言

鴻烈
解引

芒芒昧昧。因天之威。與元同氣。

黃帝書

冲虛
子

形動不生形而生影。聲動不生聲而生響。無動不生無而生有。

顓頊戒

大規在上。大矩在下。女能法之。為民父母。

先王之教

雨畢而除道。水涸而成梁。草木解而備藏。隕霜而冬裘具。

夏令

九月除道。十月成梁。

夏時倣

收而場功。侍而舂搗。營室之中。土功其始。火之昏見。期於司理。

洛書

有白雲出。謂藏齊母經。辭無出字。自蒼梧入于大梁。

錄圖

渾渾鳴鳴。棼棼雉雉。萬物盡化。

農書

土長冒蹶。陳根可拔。耕者急發。

洪範緯

日行中道。移節應期。德厚受福。重華留之。木星一重華。

女憲

婦如影響。焉不可賞。

易緯引孔子語

雷之始發大壯始。君弱臣強從解起。

史記引孔子贊龜策傳

神龜知吉凶。而骨直空枯。日爲德而君於天下。辱於三足之鳥。月爲刑而相佐。見食於蝦蟆。蝟辱於鵲。騰蛇之神。而殆於卽且。竹外有節。中直空虛。松柏爲百木長。爾守門閭。日辰不全。故有孤虛。黃金有疵。白玉有瑕。事有所疾。亦有所徐。物有所拘。亦有所據。罔有所數。亦有所疎。人有所貴。亦有所不如。何可而適乎。物安可全乎。

管子版弦解

冬月閉藏。百事盡止。往事畢登。來事未起。方冬無事。慎觀終始。

漢詞大一祝元封二年

德星昭衍。厥維休祥。壽星仍出。淵躍光明。信星昭見。皇帝敬拜。太祝之享。

漢封功臣册書

黃河如帶。泰山若礪。國以永存。爰及苗裔。

漢封禪刻石辭

四守之內。莫不爲郡邑。四夷八蠻。咸來貢職。與天無極。人民蕃息。天祿永得。

漢王褒移金馬碧鷄文

持節使者敬移南崖金精神馬。剽剽碧鷄處南之荒。深溪回谷非土之鄉。歸來歸來。漢德無疆。廣乎唐虞。澤配三皇。黃龍見兮。剛虎仁。歸來歸來。可以爲倫。歸兮翔兮。何事南荒也。

漢光武賜侯霸札

崇山幽都何可偶。黃鉞一下無處所。

漢黎陽張公頌

公與守相駕蜚魚。往來倏忽遠烹娛。慰此屯民寧厥居。

漢圉令趙君碑金石錄

天寔高唯聖同。戲我君羨其縱。體宏人蹈中庸。所臨歷有體功。追景行以難雙。刻金石示萬邦。

蟹贊

爰有獷獸其多曰蟹。饑則馴服飽則反眼。

比干墓銅盤銘

右林左泉後岡前道。萬世之靈茲焉是保。

鏡衡銘子買

鏡儀而居無執不威。美惡畢懸各得其當。衡虛無私平靜而處。輕重畢懸各得其所。

枚龜祝史記

今日吉。謹以梁卯煇黃。祓去玉璽之不祥。玉璽必信以誠。知萬事之情。辯兆皆可占。不信不誠。則燒玉璽。揚其灰。以徵後龜。

魯郊丹鷄祝 文說

以斯翰音赤羽。去魯侯之咎。 古昔字音以。與羽相叶。吳越春秋。

大夫文種送句踐入吳祖道祝 吳越春秋

皇天祐助。前沉後揚。禍為德根。憂為福堂。威人者滅。服從者昌。王雖牽致。其後無殃。君臣生離。感動上皇。衆夫哀悲。莫不感傷。臣請薦脯。酒行三觴。

種復前祝 同前

大王德壽。無疆無極。乾坤受靈。神祇輔翼。我王厚之。祉祐在側。德銷百殃。利受其福。去彼吳庭。來歸越國。范蠡上吳王壽辭 同前

皇在上。令昭下。四時并心。察慈仁者。大王躬親鴻恩。立義行仁。九德四塞。威服羣臣。於乎休哉。傳德無極。上感太陽。降瑞翼翼。延壽萬歲。長保吳國。四海咸承。諸侯賓服。觴酒既升。永受萬福。

越既平吳大夫種進酒祝 同前

皇天祐助。我王受福。良臣集謀。我王之德。宗廟輔政。鬼神承翼。君不忘臣。臣盡其力。上天蒼蒼。不可掩塞。觴酒二升。萬福無極。

再祝同前

我王賢仁。懷里抱德。滅讎破吳。不忘返國。賞無所恡。羣邪杜塞。君臣相同。福祜十億。觴酒二升。萬歲難極。

漢武帝鼎銘鼎銘

登于太山。萬善無疆。四海寧謐。神鼎傳芳。

成王冠辭後漢志

近于民。遠于年。近于義。遠于佞。嗇于財。仕賢使能。佞音年。能音得來切。

漢昭帝冠辭唐蒙博物記

陛下擣顯先帝之光耀。以承皇天之嘉祿。欽奉仲春之古辰。普尊大道之郊域。乘率百福之付靈。始加昭明之元服。推遠沖孺之幼志。蘊積文武之就大戴禮。肅勒高祖之清廟。六合之內。靡不蒙德。永永與天無極。

請雨祝春秋緯

昊天生五穀以養人。今五穀病旱恐不成。敬進清酒搏脯。再拜請雨。雨幸大河。

鰕鱗鰕鱗

有殼。一面附石。細孔雜雜。或七或八。

東方朔射覆辭

臣以爲龍又無角。謂之爲蛇。又有足。跂跂。胍胍。善緣壁。是非守宮。卽蜥蜴。

蜡祝獨斷○此與禮記所載少異

土反其宅。水歸其壑。昆蟲母作。豐年若土。本作上歲取千百。

舜祠田祝

荷此長耜。畊彼南畝。四海俱有。

伏羲贊史子堅錄格

伏戲倉精。初造工業。畫卦結繩。以理海內。內古音越

司馬相如凡將篇略茶經引

烏喙。結梗。荒華。欸冬。貝母。木蕖。萋芩。草芍。藥桂。漏蘆。蜚廉。藟菌。薜訛。白斂。白芷。菖蒲。芒消。莞椒。茱萸。

漢王史威長銘


明明哲士。知存知亡。崇隴原野。非寧非康。不封不樹。作靈重光。厥銘何依。王史威長。

漢關羽上玉璽牋

璽潛漢水。伏于淵泉。暉景燭曜。靈光徹天。

懷夢草贊蔡陽著

帝之季女。名曰瑤姬。精魂化草。實爲靈芝。媚而服之。則與夢期。



評 乙 古 文

李 堪 稿

評乙古文

本館據畿輔叢書
本排印初編各叢
書僅有此本

評乙古文序

堦自幼治古文。規模唐宋八大家。及壯後。王崑繩過而見曰。是亦爲斥鷃所誤。而控於榆枋者也。蓋宗秦漢。問其說。一一皆解。因憮然曰。與其宗秦漢。何如宗六經。六經乃古文也。於是教授之餘。偶評乙數篇存案。辛亥冬。白任若自南府來曰。高足杜友三。李文長。知先生患病久。艱於訓誨。謀公糾分資。開雕評乙古文示人。於先生守先待後之志。或有慊焉。堦聞之。以爲文者載道之器。學者入道之方。書之二典三謨。大學所謂明德親民者全矣。地理之卜吉降凶。著於盤庚。天道之元亨利貞。繫於大易。詩之關雎。則造端乎夫婦也。周禮鄉遂諸官。乃明親養教之定則也。始於曲禮。終以王義。孔孟言學。首明仁義。不以遞爲肥。不爲利所溺。而學道乃定。王降而霸。而漢唐宋明。可以知人論世矣。其間異道亂道者。賴韓子原之。曲學痼學者。賴顏子存之。習齋有存學久刊行。惟期學者皆庸言庸行。敬修開修。則學可成。道可得矣。故以先君子之書終焉。二子所謂守先待後者。庶其合乎。是爲序。

雍正十年歲次壬子端月下浣恕谷七十四歲病叟李堦拜識

評乙古文卷全

堯典

蠡縣李 堦稿

尙書

二典·紀聖帝之事也。君主事者也。三謨·紀聖臣之謀也。臣出謀者也。禹謨·養民也。皋陶謨·知人也。益稷·則期君臣交敬以成之也。五篇·一篇也。

曰若稽古帝堯曰放勳。句 欽。句 明。句 文。句 思。句 安安。句 允恭。句 克讓。句 光被四表。句 格于上下。句 克明俊

德以親九族。九族既睦。平章百姓。百姓昭明。協和萬邦。黎民於變時雍。

孔傳曰·若、順·稽、考·動、功·黎、衆·史將述堯之美·故爲題目之辭曰·願考古道而行之者·是帝堯也·乃申其願考古道之事曰·放而無所不至者·其功乎·其功見于德·欽而敬也·明知日月也·文有經緯也·思作睿也·自然中道也·信恭也·能讓也·光被四外·以至上天下地也·其功著于衆·則能顯庸俊德之人·以親高曾及元孫之九族·由是而平和章明乎百官·由是而協和萬國諸侯·時之衆民·於乎變化風俗太和·克明句爲五篇之始·下命羲和·命舜·以及命九官四岳十二牧·言臣都股肱·皆繼堯之克明也·孟子所謂爲天下得人·謂之仁也·鄭康成曰·俊德·賢才衆人者·敘德如萬笏上朝·敘業如九曲下注·九族有丹朱·百姓有驩兜·共工·而云睦云明者·堯舜舜而朱無管·四罪而帖然以去·足見睦與明也。

乃命羲和欽若昊天。歷象日月星辰。敬授人時。

歷·紀時月日者也·象·測天之器·如璇衡之類也·辰·月月所會也·敬授民時·則允蓋百工·庶績成熙者具矣·人時·農也·爰也·而明倫·司禮·司樂·司刑·虞·工·納音·皆所以成爰也·羲·和·二氏。

分命羲仲宅嵎夷曰暘谷。寅賓出日平秩東作。日中星鳥以殷仲春。厥民析鳥獸孳尾。申命羲叔宅南交。平秩南訛敬致。日永星火以正仲夏。厥民因鳥獸希革。分命和仲宅西曰昧谷。寅饒納日平秩西成。宵中

星虛以殷仲秋厥民夷鳥獸毛毳申命和叔宅朔方曰幽都平在朔易日短星昴以正仲冬厥民隩鳥獸
毳毛

鳥、南方朱鳥七宿井、鬼、柳、星、張、翼、軫也。火、東方蒼龍七宿、角、亢、氏、房、心、尾、箕也。虛、北方元武七宿、斗、牛、女、虛、危、室、壁也。昴、西方白虎七宿、奎、婁、胃、昂、畢、鴛、參也。孔傳曰。昏見星也。殷正訛化也。南訛、東作、西成、朔易、皆言農事也。在祭易改也。梅定九曰。古之聖人。以日之所在。不可以目視而器窺也。故為之中星以紀之。鳥、火、虛、昴。此萬世求歲差之根數也。又以日之出入發斂。不可以一方之所見為定也。故為之燭夷、昧谷、南交、朔方之宅。以分候之。此萬世求里差之定法也。迎日如賓。納日如饗。煉字之法。析、丁壯就田功。老弱因冬在室處分析也。因老弱就在田之丁壯。以助農也。夷、平。仍俱在田也。敬致、敬行其教。以致其功。四時同舉于夏也。

帝曰咨汝羲暨和。三百有六旬有六日。以閏月定四時成歲。允釐百工。庶績咸熙。

孔傳。釐、治。工、官。熙、廣。堯之位天地而育萬物。在洪水前已如此。而中忽遭水災。乃又命舜等諸臣焉。堯典紀治略而暗藏。舜典紀治詳而明舉。文家詳略互用。明暗相間之法也。

帝曰疇咨。若時。登庸。放齊。曰。胤子朱啓明。帝曰。吁。嚚訟。可乎。帝曰。疇咨。若予采。驩兜。曰。都。共工

方鳩僝功。帝曰。吁。靜言庸違。象恭滔天。

正義曰。堯末年。羣臣有闕。故復求俊德也。若時、調變陰陽。宅揆之職也。胤子、堯嗣子。孔傳曰。吁、疑怪之辭。言不忠信為昏。采、事。農教禮樂諸事也。都、噴美之辭。劫、聚。傷、見。滔天、心傲狠若漫天也。可乎。言必不可也。疇咨、句如豈。初雨。憂嘆之聲。萬世如聞。而一句數說。練句之法。堯之初年。雖克明俊德。而人才不能如舜。命禹治水時。聖賢聚也。蓋大難之生。天所以開聖賢也。聖賢之生。天所以濟大難也。此乾坤僅見者也。故孔子曰。舜有臣五人。又曰。唐虞之際為盛。迨禹啓時而又蕭落矣。

帝曰咨四岳。湯湯洪水方割。蕩蕩懷山襄陵。浩浩滔天。下民其咨。有能俾乂。僉曰。於。鯀哉。帝曰。吁。咈哉。方命圮族。岳曰。異哉。試可乃已。帝曰。往。欽哉。九載績用弗成。

孔傳曰：湯湯、流貌。蕩蕩、水奔突濂除物也。浩浩、盛大。襄、上。僉曰、朝臣皆言。嘒、辰。圯、敗。王曰、方、不行也。異、同異。言其才智異人也。試可、言但試之治水。求其可也。乃曰、言不必他求也。是以堯姑從之也。洪水連寫三句。見堯愛之甚。而治水、二帝最大之功也。

帝曰咨四岳朕在位七十載汝能庸命巽朕位岳曰否德忝帝位曰明明揚側陋師錫帝曰有鰥在下曰虞舜帝曰兪予聞如何岳曰瞽子父頑母嚚象傲克諧以孝烝烝乂不格姦帝曰我其試哉女于時觀厥刑于二女釐降二女于澆汭嬪于虞帝曰欽哉

四岳。蔡氏以爲一人而主四岳諸侯。近是。孔傳曰四人。則巽之以位。巽何人哉。蓋以老臣而爲公孤。以主天下諸侯。如周之周召也。蔡註曰。明明、舉已在位者。揚側陋、舉未在此位者。師錫、衆與也。衆稱虞舜。下文堯曰。格汝舜。舜曰。咨禹。則舜禹名也。堯亦必名也。史記以放勳重華文命爲名。非也。兪、然其言也。烝、進。父、治。格、至。女、妻。刑、法。降、下。澆汭、澆水之汭。舜所居也。嬪、婦也。時同是。指舜。堯妻舜二女。觀其能刑家否。舜則釐治降下二女之心于澆汭。二女則盡婦道于虞氏。而嬪嬪齊慄。舜且協二女以致底豫矣。宜堯贊之以飲。而終巽以歷數也。堯舉舜。而克明俊德至矣。五臣九官。拔茅連茹矣。格天德業。造偽乎夫婦。此亦一篇之大旨也。以欽起。以欽結。中曰敬曰寅。皆欽也。

舜典

曰若稽古帝舜曰重華協于帝濬哲文明溫恭允塞玄德升聞乃命以位

重華。堯已華。而舜又華也。濬、深。哲、智。文理光明。溫和恭敬。允信塞固。皆玄德也。升聞命位。承上篇。起下文也。堯、道變之聖人也。自洪荒至此。運極上九。窮災四起。天則洪水降割。人則子傲臣逸。非得舜而揖讓之年。非堯之知進知退。允蹈天則。不能有此補救也。揖讓。非得已也。孟韓皆未之及也。

慎徽五典五典克從納于百揆百揆時敘賓于四門四門穆穆納于大麓烈風雷雨弗迷

慎美五典。而天下從。孔傳。謂舜舉八元。布于天下。杜註左傳。謂八元即稷契之屬。納百揆而時敘。孔傳謂舉八元無廢事。杜註。八凱有廷堅。即阜陶。賓于四門。則兼四岳之任。納于大麓。則率禹益以隨刊也。蓋皆堯使舜數

治。而舜統領諸臣也。五典。孟子所謂君臣、父子、夫婦、兄弟、朋友也。穆穆。爾雅曰。美也。敬也。揆。度也。

帝曰。格汝舜。詢事考言。乃言底可績。三載。汝陟帝位。舜讓于德弗嗣。正月上日。受終于文祖。

孔傳曰。格。來也。乃。汝。底。致。言問汝以事而考汝之言。汝言之所至。皆可有功。即上慎微四句也。今已歷試三載。汝升帝位可也。舜辭不獲。乃以正月朔日。受終帝位之終。于堯祖廟而攝位焉。大位不可以輕授受。故堯告于文祖也。黃帝為堯五世祖。想即文祖。

在璿璣玉衡以齊七政。

璿。即後世之渾天儀也。衡。所以窺之也。伏生大傳曰。七政。天、地、人、四時也。各有政事。故定天行以齊之。猶堯之敬授人時也。

肆類于上帝。禋于六宗。望于山川。徧于羣神。

告神祇以攝位也。肆。遂也。類。類于郊也。上帝。天地之主宰也。禋。精意以享也。六宗。祭法曰。四時寒暑、日、月、星、水旱也。望者。山川或近或遠。一時望而祭之也。羣神。孔傳曰。謂丘陵墳衍。古之聖賢之類。

輯五瑞。既月乃日。覲四岳羣牧。班瑞于羣后。

古天下之大勢在諸侯。故攝位而即輯瑞巡狩。以與之正始焉。輯。合也。既月。定于正月為盡也。故于此月日日見四岳。使率天下羣后。見州牧。使率一州羣后。斂瑞而以目符合之。非偽。復班之。班。還也。

歲二月。東巡守。至于岱宗。柴望秩于山川。肆覲東后。協時月。正日。同律度量衡。脩五禮。五玉三帛。二生一死。贊如五器。卒乃復。五月南巡守。至于南岳。如岱禮。八月西巡守。至于西岳。如初。十有一月朔巡守。至于北岳。如西禮。歸格于藝祖。用特。五載一巡守。羣后四朝。敷奏以言。明試以功。車服以庸。

孔傳曰。燔柴。祭天也。秩。如其秩次也。如五岳視三公。四瀆視諸侯也。五禮。吉、凶、軍、賓、嘉、也。五玉。即五瑞。三帛。諸侯世子執纁。公之孤執元。附庸之君執黃。二生。卿執羔。大夫執鴈。一死。士執雉。皆贊也。如。同也。劉說云。器。五禮之器。藝祖。即文祖。舜尚未自立廟也。特。一牛。四朝。東、西、朔、南、四處也。言巡守不言途職者。紀舜攝位首事。故不及而比類見矣。

肇十有二州。封十有二山。灌川象以典刑。流宥五刑。鞭作官刑。扑作教刑。金作贖刑。皆災肆赦。怙終賊刑。

欽哉。欽哉。惟刑之恤哉。流共工于幽州。放驩兜于崇山。竄三苗于三危。殛鯀于羽山。四罪而天下咸服。

孔傳曰。禹治水后。舜分九州為十二。故云始也。典刑。墨、劓、剕、宮、大辟之常刑也。象、法也。有可宥者則流之。再輕則贖之。皆而過讀。災而不幸。則赦之。惟怙奸以終者殺之。扑、夏楚也。舜數政在攝位時。而大者則治水。明刑。故于此特言之。然不言命禹皋陶。且數錄明倫俱不及。惟暗藏慎徵五典數句內。至即正後。賂功已成。乃追補稷契等事。實者虛之。虛者實之。變化極矣。即史記漢書且東手。況其後乎。四罪。在禹治水前。倒敘前後。絲。四凶想必當時列侯入為王臣者。且各有跋扈惡才。舜以側微登庸四竄之。而寂無一言。智勇至矣。

二十有八載。帝乃殂落。百姓如喪考妣。三載四海遏密八音。月正元日。舜格于文祖。

殂終而舜即正。故二典不可斷讀也。

詢于四岳。開四門。明四目。達四聰。

詢。問也。問于四岳。令開四方之門。廣致賢才。明四方之目。達四方之耳。一無壅蔽。即下篇知人安民也。舜子象正盈朝。從欲以治之時。汲汲皇皇如此。唐虞之文。烹煉至矣。後篇乃鄉談楚語。洵口而出。亦自外于經史矣。堯在位百歲。初年之四岳十二牧。未必猶存。或嗣位者。或其子孫也。

咨十有二牧曰。食哉惟時。柔遠能邇。惇德允元。而難壬人。攸夷率服。

凡咨皆歎辭。聖心憂勤。故將言而先歎也。戒十二州之牧。以戒諸侯也。不違農時。足食也。遠易充。故欲其柔。近易厭。故欲其能。厚有德。信仁人。拒險壬。皆守土之道。所亡汨作九共。樂低十一篇。皆言慎諸侯事。以此推之。

舜曰。咨。四岳。有能奮庸。熙帝之載。使宅百揆。亮采惠疇。僉曰。伯禹作司空。帝曰。兪。咨。禹。汝平水土。惟時懋哉。禹拜稽首。讓于稷契。暨皋陶。帝曰。兪。汝往哉。

舜初即位。故稱舜曰。以別于堯。下文則稱帝矣。史文精細如此。舜總百揆。以即帝位。故命禹。而以下諸官。皆申命之也。堯采。明其事。惠。順其類。禹舊作司空。以平水土也。諸臣治功已成。舜申命之。故孔子曰。惟舜無爲而治。堯禹不能也。

帝曰棄黎民阻饑汝后稷播時百穀帝曰契百姓不親五品不遜汝作司徒敬敷五教在寬帝曰臯陶蠻夷猾夏寇賊姦宄汝作士五刑有服五服三就五流有宅五宅三居惟明克允

孔傳曰。后稷。主稷之官也。攻劫曰寇。殺人曰賊。在外曰姦。在內曰宄。三就。大罪于原野。大夫于朝。士于市。三居。大罪四裔。次九州之外。次千里之外。不明而遂言信罰。必妄用矣。此因禹謨而申命三人以舊職也。

帝曰疇若予工僉曰垂哉帝曰兪咨垂汝共工垂拜稽首讓于父斯暨伯與帝曰兪往哉汝諧帝曰疇若予上下草木鳥獸僉曰益哉帝曰兪咨益汝作朕虞益拜稽首讓于朱虎熊羆帝曰兪往哉汝諧帝曰咨四岳有能典朕三禮僉曰伯夷帝曰兪咨伯汝作秩宗夙夜惟寅直哉惟清伯拜稽首讓于夔龍帝曰兪往欽哉帝曰夔命汝典樂教胄子直而溫寬而栗剛而無虐簡而無傲詩言志歌永言聲依永律和聲八音克諧無相奪倫神人以和夔曰於予擊石拊石百獸率舞帝曰龍朕聖讒說殄行震驚朕師命汝作納言夙夜出納朕命惟允

三禮。天地人之禮也。辟、五聲、律、六律、聲、大擊、拊、小擊、擊石而百獸率舞。以明和神人之非謬也。聖、疾殄、絕。言謬誣之言。能阻人善行。驚擾衆人。允、信。不妄傳下言。不妄宣帝命也。此皆詢問其職。无以易之。而申命之也。於同鳴。追補稷契諸臣于後者。以前歷試攝位時。用之。或先或後。或在內。或在外。至即正後。皆在朝而命之。故統敘于此。

帝曰咨汝二十有二人欽哉惟時亮天工

四岳、九官、十二牧、二十二人也。惟是明天工。總戒之。而終以欽焉。

三載考績。三考黜陟幽明。庶績咸熙。分北三苗。

傳疏曰。北、背也。三苗之竄三危者。丕鉞則嘉之。在三苗者。不卽工則征之。是九載黜陟幽明。并及于三苗。留善去惡。使分背也。

舜生三十徵庸。三十在位。五十載陟方乃死。

孔傳曰。陟方、升道。南方巡狩也。龜傳道于舜。舜傳于禹。二百年如一人。在位。賢聖盈朝。雖四凶。微子無間言焉。此千古僅見之盛也。湯見知有伊尹。而放其君。文武見知有周公。而三叔流言。遇爲遜矣。孔子卒而道分。傳愈不及矣。孟子之門。則無傳矣。唐虞之民。老者衣帛食肉。道路不提挈。少者不饑不寒。相仁相讓。亦二百餘年。子孫相傳。幾十世。商周則遜矣。漢唐而後。幾無此況味矣。

大禹謨

曰若稽古大禹曰。文命敷于四海。祇承于帝。

史將錄禹之謨。亦先爲題目之辭。曰順考古道而言者。大禹也。又申之曰。禹文德之命布于四海。皆敬承焉。舜者也。故陳謨如下。謨、謀也。

曰。后克艱厥后。臣克艱厥臣。政乃乂。黎民敏德。帝曰。兪。允若茲。嘉言罔攸伏。野無遺賢。萬邦咸寧。稽于衆。舍己從人。不虐無告。不廢困窮。惟帝時克。益曰。都。帝德廣運。乃聖乃神。乃武乃文。皇天眷命。奄有四海。爲天下君。

禹以君臣克艱陳謨。而舜引君艱以自考。推之于堯。益因之贊堯也。

禹曰。惠迪吉。從逆凶。惟影響。益曰。吁。戒哉。儆戒無虞。罔失法度。罔遊于逸。罔淫于樂。任賢勿貳。去邪勿疑。疑謀勿成。百志惟熙。罔違道以干百姓之譽。罔拂百姓以從己之欲。無怠無荒。四夷來王。

禹以從道陳謨。益因歷陳從道去逆之事也。虞、度也。于心無虞度之時而亦儆。所謂不顯亦臨也。百志、百慮也。百姓、亦指百官。遊逸、好逸也。淫樂、過樂也。

禹曰吁帝念哉德惟善政政在養民水火金木土穀惟修正德利用厚生惟和九功惟敘九敎惟歌戒之
用休董之用威勸之以九歌俾勿壞帝曰兪地平天成六府三事允治萬世永賴時乃功

善政、即九功也。君修之和之。德也。所以養民也。民各修之和之。則各得所養矣。水火金木土穀。民所養之材盡矣。正德利用厚生。民之事盡矣。修、治也。和、互相濟也。偏于正德。或迂闊也。偏于利用。或淫巧也。偏于厚生。或專利也。休、美也。美其為善。正成之也。之字皆指民言。威、刑也。刑其不善。乃董正之也。九歌即蕭韶九成也。

帝曰格汝禹朕宅帝位三十有三載耄期倦于勤汝惟不怠總朕師禹曰朕德罔克民不依臯陶邁種德
德乃降黎民懷之帝念哉念茲在茲釋茲在茲名言茲在茲允出茲在茲惟帝念功帝曰臯陶惟茲臣庶
罔或干予正汝作士明于五刑以弼五教期于予治刑期于無刑民協于中時乃功懋哉臯陶曰帝德罔
愆臨下以簡御衆以寬罰弗及嗣賞延于世宥過無大刑故無小罪疑惟輕功疑惟重與其殺不辜寧失
不經好生之德洽于民心茲用不犯于有司帝曰俾予從欲以治四方風動惟乃之休帝曰來禹降水做
予成允成功惟汝賢克勤于邦克儉于家不自滿假惟汝賢汝惟不矜天下莫與汝爭能汝惟不伐天下
莫與汝爭功予懋乃德嘉乃丕績天之歷數在汝躬汝終陟元后人心惟危道心惟微惟精惟一允執厥
中無稽之言勿聽弗詢之謀勿庸可愛非君可畏非民衆非元后何戴后非衆罔與守邦欽哉慎乃有位
敬修其可願四海困窮天祿永終惟口出好興戎朕言不再

舜乃遜禹以位。禹讓臯陶。舜因美臯陶之功。而終遜于禹也。邁、行。種、布。降、下。弼、輔。從欲以治、從心所欲。而政以治也。茲、指種德也。念茲而在茲、忘茲而亦在茲。言在茲、行在茲。謂其一心建功也。不辜、民無非也。不經、上失常刑也。降同。孟子曰。水逆行謂之洚水。成允、成聲教之信。成功、成治水之功。假、大。人心、食色也。道心、仁義禮知也。弗詢之謀不問于衆之謀也。可願、可欲之謂善也。顏先生曰。民窮而天祿能長終乎。

、與可愛非君句
法同。反言也。

禹曰。枚卜功臣。惟吉之從。帝曰。禹。官占。惟先蔽志。昆命于元龜。朕志先定。詢謀僉同。鬼神其依。龜筮協從。卜不習吉。禹拜稽首固辭。帝曰。毋。惟汝諧。正月朔旦。受命于神宗。率百官。若帝之初。

枚卜。歷卜。官占。占卜之官。用占也。蔽。斷。昆。後。不習吉。言卜之道已得吉。不
得又卜。以求重吉也。神宗。舜祖顓頊廟也。此禹又讓衆功臣。而舜止之。乃攝位焉。

帝曰。咨禹。惟時有苗弗率。汝徂征。禹乃會羣后。誓于師曰。濟濟有衆。咸聽朕命。蠢茲有苗。昏迷不恭。侮慢自賢。反道敗德。君子在野。小人在位。民棄不保。天降之咎。肆予以爾衆士。奉辭伐罪。爾尙一乃心力。其克有勳。三旬。苗民逆命。益贊于禹曰。惟德動天。無遠弗届。滿招損謙。受益時乃天道。帝初于歷山。往于田。日號泣于旻天。于父母。負罪引慝。祇載見瞽瞍。夔夔齊慄。瞽亦允若。至誠感神。矧茲有苗。禹拜昌言曰。兪。班師振旅。帝乃誕敷文德。舞干羽于兩階。七旬有苗格。

羣后。衆諸侯也。誠。和也。班。還。振。整。振旅。見師非鈍也。大布文告之德。招徠之也。舞武舞文舞于兩階。益。修文武之業也。益之贊禹。蓋以有苗經歷創之后。一時迷執。姑且收兵。不離還其國。不勦絕其人。彼必畏威懷德。自然而來。非置之無可如何也。此謨以六府三事節爲主。前後之言。皆欲成其善政也。

臯陶謨

曰。若稽古臯陶。曰。允迪厥德。謨明弼諧。禹曰。兪。如何。臯陶曰。都。慎厥身。修思永。惇敍九族。庶明勵翼。邇可遠在茲。禹拜昌言曰。兪。

上履言德。臯陶乃順考古道而陳之也。迪。道也。即蹈也。庶明勵翼。言使衆臣勉勵翼贊也。

臯陶曰都。在知人。在安民。禹曰吁。咸若時。惟帝其難之。知人則哲。能官人。安民則惠。黎民懷之。能哲而惠。何憂乎驩兜。何遷乎有苗。何畏乎巧言令色孔壬。

臯陶又言德之所見。在知人安民。禹因致知人安民之美也。雖有苗等亦不必遷。故。甚言之也。巧言、靜言庸途也。令色、象恭滔天也。孔、甚。壬、佞。

臯陶曰都。亦行有九德。亦言其人有德。乃言曰。載采采。禹曰。何臯陶曰。寬而栗。柔而立。愿而恭。亂而敬。擾而毅。直而溫。簡而廉。剛而塞。彊而義。彰厥有常。吉哉。

臯陶乃歷陳人行之德也。載、行也。言其人之所行某事某事。以為驗也。孔傳曰。亂、治。擾、順。九德。所以知人也。

日宣三德。夙夜浚明。有家。日嚴。祇敬六德。亮采有邦。翁受敷施。九德咸事。俊乂在官。百僚師師。百工惟時。撫于五辰。庶績其凝。

浚。深也。翁受。合九德于中。敷施。見九德于外。咸事。各有其事也。百官互相師法。則曰僚。僚。猶友也。以時治事。則曰工。工。亦事也。五辰。立春、立夏、立秋、立冬、及長夏日之所次也。翁受以下。筆濃墨飽。可歌可舞。與禹陳善政節同。后入于虛寫文字。猶見姿致。至于實陳道德。較格格板滯。彼無于中。固不可強也。孔子贊易。至利見大人。神飛色王。可想見聖人心胸矣。

無教逸欲有邦。兢兢業業。一日二日萬幾。無曠庶官。天工人其代之。

無教。無使。戒辭也。常人非逸則欲。兢兢之反也。因而下之。庶官亦曠矣。邦畿亦邦也。子存下擬其辭。諸侯曰。無教逸欲有邦。兢兢業業。一日二日千幾。無曠庶官。天工人其代之。大夫曰。無教逸欲有家。兢兢業業。一日二日百幾。無曠庶官。天工人其代之。士庶曰。無教逸欲有身。兢兢業業。一日二日十幾。無曠庶事。天工人其代之。

天敘有典。勅我五典。五惇哉。天秩有禮。自我五禮。有庸哉。同寅協恭。和衷哉。天命有德。五服五章哉。天討有罪。五刑五用哉。政事懋哉懋哉。

承上天工而言。典禮服刑。皆出于天。君臣當同敬同恭。和心以濟。不可以不勉也。自用庸常。五服。天子諸侯卿大夫士之服也。前后篇皆以欽敬為主。此乃實寫其欽敬之事也。五典、五倫也。

天聰明自我民聰明。天明畏自我民明威。達于上下。敬哉有土。

又歸天子民。以見民不可不安也。天子而下。凡有土者。皆當如此。

臯陶曰。朕言惠可底行。禹曰。兪。乃言底可績。臯陶曰。予未有知。思曰贊贊襄哉。

臯陶言終。自謂其言順道可行。禹是之而卒。乃謙居無知。言惟思贊助帝舜以上理而已。

益稷

以禹言暨益稷。故以益稷名篇。觀舜曰禹亦昌言。連上成文。故曰五篇一篇。

帝曰。來禹。汝亦昌言。禹拜曰。都。帝予何言。予思日孜孜。

臯陶曰。吁。如何。禹曰。洪水滔天。浩浩懷山襄陵。下民昏墊。予乘四載。隨山刊木。暨益奏庶鮮食。予決九川。

距四海。濬畎澮距川。暨稷播奏庶艱食。鮮食懋遷。有無化居。烝民乃粒。萬邦作乂。臯陶曰。兪。師汝昌言。

臯陶陳謨。而禹所陳者。率其身事。蓋功即其謨也。刑以弼教。臯陶之謨。又即契之教也。蓋益禹稷事相連。臯陶事相連也。孔傳曰。昏、登、墊、溺。困水災也。舟。陸乘車。泥乘楫。山乘標。奏、進。益進民之

稷則魚鱉也。

禹曰。都。帝慎乃在位。帝曰。兪。禹曰。安汝止。惟幾惟康。其弼直。惟動丕應。俟志以昭。受上帝。天其申命用休。

帝曰。吁。臣哉鄰哉。鄰哉。臣哉。禹曰。兪。

安、定也。所止。即上篇道心也。中德也。而實則典禮也。安以止之。惟事之來有幾。不可忽也。惟事之終富康。求其寧也。而又輔弼用直。凡所動大應小民。後待之志。則天休以集。舜聞安止必賴弼直。而嘆臣知比鄰相

也助

帝曰臣作朕股肱耳目予欲左右有民汝翼予欲宣力四方汝爲予欲觀古人之象日月星辰山龍華蟲作會宗彝藻火粉米黼黻絺繡以五采彰施于五色作服汝明予欲聞六律五聲八音在治忽以出納五言汝聽予違汝弼汝無面從退有後言欽四鄰

舜因歷舉其類于臣鄰者而戒之以欽也。左右。教養民也。宣力四方。柔遠人懷諸侯也。日也。月也。星辰也。山也。龍也。華蟲。雉也。六者繪畫于衣。宗彝。宗廟盛鬱也。之。樽。藻也。火也。粉米也。黼。斧形。黻。兩已相背。有辨也。六者績之于裳。絺。鄭氏讀爲繡。紵也。采。五色之物采也。以樂祭政之治忽。五言。角爲仁。商爲義。徵爲禮。羽爲知。宮爲信。五德之言也。汝。指禹等諸臣也。前後左右四鄰也。

庶頑諛說若不在時侯以明之撻以記之書用識哉欲並生哉工以納言時而颺之格則承之庸之否則威之

又慮臣中有不在是弱直者。委曲以成就之。必不變。乃刑之。侯以明之。射以殺其德不德也。撻。鞭朴也。書錄其過也。總欲生全之也。又令樂工納言。以時而揚舉之。謂作爲美刺之辭也。如其至于善。則承繼而取之。登庸之。必不變。則威之。如四罪。是也。

禹曰兪哉帝光天之下至于海隅蒼生萬邦黎獻其惟帝臣惟帝時舉敷納以言明庶以功車服以庸誰敢不讓敢不敬應帝不時敷同日奏罔功無若丹朱傲惟慢遊是好傲虐是作罔晝夜頡頏罔水行舟朋淫于家用殄厥世予創若時娶于塗山辛壬癸甲啓呱呱而泣予弗子惟荒度土功弼成五服至于五千州十有二師外薄四海咸建五長各迪有功苗頑弗卽工帝其念哉帝曰迪朕德時乃功惟敘皋陶方祗厥敘方施象刑惟明

帝拜曰、俞往欽哉。

戒自此以後、君臣共勉于敬也。

盤庚下

盤庚既遷、奠厥攸居、乃正厥位、綏爰有衆。

史敘盤庚終告衆官之意也。綏爲下文之綱。已遷不用以刑威之。惟開之以無繆說。戒之以無貪貨。勉之以事民生。皆所以安之也。孔傳曰。正位、正郊廟朝社之位。

曰、無戲怠、懋建大命。

大命、卽下文生生之命也。

今予其敷心腹腎腸、歷告爾百姓于朕志、罔罪爾衆、爾無共怒、協比讒言予一人。

百姓、百官。言前之沮撓。今不罪爾。而爾衆亦自此无胥讒也。

古我先王、將多于前功、適于山、用降我凶德、嘉績于朕邦。

湯之先已七八遷。湯往於亳。依山而都。降去水災之凶。故曰多於前人之功。此見亳殷爲祖之善居宜遷也。

今我民用蕩析離居、罔有定極。

今耿圯於水。民無立中之地。可以定止。不得不遷。

爾謂朕曷震動萬民以遷。

沮之言如是。蓋不欲遷者。世家百官也。而其故。則以認於貨寶。故重遷也。雖防民之生生不隱念也。故下戒之。

肆上帝將復我高祖之德。亂越我家。朕及篤敬。恭承民命。用永地于新邑。肆予冲人。非廢厥謀。弔由靈。各非敢違。卜用宏茲賁。

肆、承上起下之辭。言今於舊股作新邑。乃承帝意復祖德。與篤敬之臣。敬承民生生之命。以求治所永。亂、治也。故我非廢爾謀。謀之至用其善。且卜遷之吉。即上帝意也。君臣不敢違之。以大此新邑之賁飾。賁者、飾也。

嗚呼。邦伯師長。百執事之人。尚皆隱哉。

朕不肩好貨。敢恭生生。鞠人謀人之保居。敘欽。

敢恭生生。果敢以敬民之生生也。養民謀民之保居。即恭生生也。敘欽。敘用而敬之也。保居。井里樹畜。學校人倫之事也。以任為肩。換字之法。商時已有矣。

今我既羞告爾。于朕志。若否。罔有弗欽。

既進告爾。前之否者。今若順從。亦無不欽。辭其改。而亦敘欽也。

無總于貨寶。生生自庸。式敷民德。永肩一心。

乃正誠之。總、聚斂也。無、然也。庸、功也。當以生生自為功也。式、用也。用布民德。使民各生其生也。永肩一心。久而不變也。

韓昌黎曰。信曲聲牙。則疑其扯扯濫濫矣。而何其高簡順適也。而何其曲折中節也。而何其聲調和鳴也。章法。句法。字法。無一不善。至文也。

乾象周易

三三乾元亨利貞

寫乾以四字。天道人事。往古來今盡矣。誠乾坤之大文也。廣大確切。萬世闡發。

孔子十翼稱贊。贊、詩象傳之類也。故皆有韻。

文王

孔子

象曰：大哉乾元，萬物資始，乃統天。天之雲行雨施，品物流形。天之大明終始。聖人之六位時成，時乘六龍以御天。聖人之乾道變化，各正性命。天之保合太和。天之乃利貞，首出庶物，萬國咸寧。聖人之

琳琳琅琅，陰奇光怪。

乾爻象

周公

初九：潛龍勿用。九二：見龍在田，利見大人。九三：君子終日乾乾，夕惕若厲，无咎。九四：或躍在淵，无咎。九五：飛龍在天，利見大人。上九：亢龍有悔，用九，見羣龍无首，吉。

試取六爻觀之，何其剽也。故曰象。言龍。言大人。言君子。言日。言夕。言天。言田。言淵。拉雜並集。所謂天理爛熟。萬物備我者也。

關雎

詩經

關關雎鳩，在河之洲。窈窕淑女，君子好逑。一參差荇菜，左右流之。窈窕淑女，寤寐求之。求之不得，寤寐思服。悠哉悠哉，輾轉反側。二參差荇菜，左右采之。窈窕淑女，琴瑟友之。參差荇菜，左右芣之。窈窕淑女，鐘鼓樂之。三

關雎五章，章四句。故言三章，一章章四句，二章章八句。毛

序曰：關雎，后妃之德也。樂得淑女以配君子，憂在進賢，不淫其色，哀窈窕，思賢才，而無傷善之心焉。是關雎之義也。此與葛覃卷耳皆后妃所自作也。故序於後二篇。接云：后妃之本，后妃之志。毛傳曰：逑，匹也。序哀字，併也。首章以雎鳩和鳴於河洲，興淑女為君子之善配也。夫以采芣為君子之善配，似忘己之為正配者。所謂大舜取善，舍己從人也。揚子雲曰：善心為窈，善容為窕。毛傳曰：雎鳩情摯而有別。二章追言未得淑女，供宗廟之苜菜，無人採取，任其分流。故夜不安寢，思而求之。輾轉反側，惟覺宵長也。鄭箋曰：服，事也。思，已也。事，無與共之也。三章言既得淑女，則苜菜左右，采之擇之。鼓琴鼓瑟，考鐘考鼓，以供宗廟，而共相友樂矣。一篇四呼窈

寡淑女。如聞其聲。思曰：輒轉反側，喜曰：友樂。如見其容，以貴下賤，以聖下賢，是何心胸。文王后妃，與衆妾同。一醜離離，當日宮中是何氣象。惟序爲得之。毛傳已涉影響，鄭箋又格格然。朱註乃改爲宮女所作，則支離甚矣。不惟不思宮女是誰之宮女，宮女不可鑿鼓作樂，而宮女何許人也。可稱國母爲淑女乎。寢不安席，以思國母。得國母而與之爲友，與之共樂，有此情理乎。今玩詩序舊序，非毛傳孔傳可及。必孔門舊傳無疑也。

鄉大夫，每一鄉，卿一人，德、知仁聖義忠和，行。

周禮

鄉，合五州也。大夫之職，各掌其鄉之政教禁令，使不爲也。令，使爲也。正月之吉，受教法於司徒，退

而頒之於其鄉吏。閭胥，比長也。使各以教其所治，以考其德行，察其道藝。德行，道藝，六德，六行。以歲時登其

夫家之衆寡，辨其可任者。國中自七尺以及六十，野自六尺以及六十有五，皆征之。國中僉多役少，野復少役

多。其舍者，國中貴者、賢者、能者、服公事者、老者、疾者，皆舍。以歲時入其書。三年則大比，考其德行道藝，而

與賢者能者，鄉老一人。及鄉大夫率其吏與其衆寡，以禮禮之。禮賓之，厥明。鄉老及鄉大夫羣吏獻

賢能之書於王，王再拜受之，登於天府。內吏貳之，退而以鄉射之禮。五物詢衆庶，一曰和，二曰容，三曰主

皮，四曰和容，五曰興舞。此謂使民興賢，出使長之，使民興能，入使治之。歲終，則令六鄉之吏皆會政致事。

正歲也。令羣吏考法於司徒，以退各憲之於其所治。之國，則令民各守其間。大詢于衆庶，則各率

其鄉之衆寡。而致於國朝，有大故，則令民各守其間。以待

政令，以旌節輔令，則達之也。

鄉吏各教其所治，是古無專教士之官矣。古五家即立一官，以教子弟，以養庶民，以上皆然。茲詳於教物取士而不言教稼，與途大夫互相足也。五物，一曰和，蓋人必德性和平，乃可具有六德，乖戾則無可詢矣。故專詢和也。二曰容，以有容容之量，乃可行六行，而私小者無與也。三曰主皮，古自天子至士，皆有分等之侯，庶人不得用侯，習射則懸獸皮射之，曰主皮，故賓與乾，恐庶人中懷有遺賢，延賓行鄉射，必有庶人來觀，問其能主皮否。曰能。

則使射。中則再問其能。比禮比樂否。曰能。則又試之。如不中。則退去也。和容、禮與舞樂也。過人曰賢。故率民。長率民。故曰出。幹辦曰能。故使治事。治事故曰入。天子拜受賢書。鄉大夫退詢衆庶。取賢何其敬。何其周也。每歲終會政。考課何其密也。大詢衆庶。採訪何其備也。大故。守閔。旌節乃達。守備稽察何其謹也。

州、合五黨。長夫。中大夫。各掌其州之教治政令之法。正月之吉。各屬其州之民而讀法。以考其德行。

而勸之以糾其過惡而戒之。若以歲時祭祀。州社則屬其民而讀法亦如之。春秋以禮會民而射于

鄉之學也。凡州之大祭祀大喪。皆泄其事。若國作民而師田行役之事。則率而致之。掌其戒令與

罰。歲終則會其州之政令。正歲則讀教法如初。如子月之三年大比。則大考州里。以贊鄉大夫廢興。

鄉大夫三年大比。考民。州長則正吉讀法。民。正歲又考。歲時祭祀又數考。較鄉詳矣。

黨合五族。正夫。各掌其黨之政令教治。及四時之孟月吉日。則屬民而讀邦法。以糾戒之。春秋祭

如之。國索鬼神而祭祀。則以禮屬民而飲酒於序。以正齒位。一命齒于鄉。再命齒于

三命而不齒。凡其黨之祭祀喪紀昏冠飲酒。教其禮事。掌其禁戒。凡作民而師田行役。則以其法治

事。歲終則會其黨政。帥其吏而致事。正歲屬民讀法。而書其德行道藝。以歲時泄校比。之時黨正臨之。

及大比亦如之。

正齒位者。黨正行飲酒禮以養老。所謂申之以孝弟也。一命、再命、三命。非正賓。謂來觀禮者也。孟月吉日。糾戒。即考德行道藝。視州長愈詳矣。歲終會政致事者。賈疏曰。黨有族師以下諸官。歲終則會計一黨政治功狀。

其族師以下之吏。致其掌事於州長。州長致與鄉大夫。鄉大夫致與大司徒。而行賞罰也。

族百家。合師士。各掌其族之戒令政事。月吉則屬民而讀邦法。書其孝弟睦姻有學者。春秋祭酺

謂形禁水旱之神。酌古。爲人物裁害之神。族無飲酒之禮。因祭而與其民以長幼相獻酬焉。

亦如之。以邦比之法。帥四閭之吏。以時屬民。而校登其族之

夫家衆寡。辨其貴賤。老幼廢疾。可任者。及其六畜車輦。五家爲比。十家爲聯。五人爲伍。十人爲聯。四閭爲

族。八閭爲聯。使之相保相受。刑罰慶賞。相及相共。以受邦職。以役國事。以相葬埋。若作民而師。田行役。則

合其卒伍。簡其兵器。以鼓鐸旗物。帥而至。掌其治令。禁戒刑罰。歲終則會政。致事。

每月一考。愈詳矣。學。卽六藝也。族。師書孝弟。閭。胥書任卹。互文也。不書德者。德秘而後成。不能每月書也。然特見必書。五家爲比。十家爲聯。卽言五人爲伍。十人爲聯。蓋族卽百夫。族師卽百夫長。兵民合也。

閭合五比。胥士。各掌其閭之徵令。以歲時各數其閭之衆寡。辨其施舍。凡春秋之祭祀。役政。喪紀之

數。聚衆庶。旣比。則讀法。書其敬敏。任卹者。凡事掌其比。釁撻罰之事。

讀法考書無時。愈詳矣。州長大祀大喪乃泚。此則凡祀。凡喪。凡役皆比。近人音鄉舉里選多爲。此亦焉得爲哉。千古取士之法。莫善於此。釁。罰之酒也。凡比。衆衆有失禮者。輕則釁酒罰之。重則撻罰之。敬則德衆。敏則藝

成。

比。五。長。士。下。各掌其比之治。五家相受。相和親。有臯奇。表則相及。徙于國中及郊。則從而授之。若徙于

他。則爲旌節而行之。若無授無節。則唯圖土內之。

鄉大夫職云。頒教法於其鄉吏。使各教其所治。又云。攷法於司徒。各憲之於其所治。則言治卽兼政令與教之事矣。鄭註曰。授。付所徒之吏也。明無罪惡也。徒他。徒異鄉異國也。國土。獄也。無授。無節。卽納之獄。則注情輕去其鄉者無矣。五家之農事。比長出入之。五家之子弟。比長教之。冠昏喪祭。比長治之。徒於他處。爲節以達之。事。稽閱。使五家各得其理。此天下之治。始於比長。終於邦國。而四海無一人不治也。陸道成曰。分鄉。乃小封建也。後世卽不行封建。而鄉斷不可不分。至晉。乾坤之事。相間而成章。周禮之文。亦相間而成章。欽。養文武。相間也。貴。貴賈賈。老。老幼幼。相間也。天地四時。相間也。主。輔。監。各掌。相間也。頒。施。會。致。相間也。一官。一小陳也。六官。六大陳也。大陳。包小陳。大營。包小營。曲折相對。罔落鈞連。此周禮之治。周官之文也。卽此五篇可見矣。周官皆有府史胥徒。其偶無者。必其事一人可任也。今鄉大夫以至比長。達大夫以至鄰

長。教養兼司。頌會皆理。事至煩悉。而俱無府史胥徒者。蓋府史即用其所教之士。胥徒即用其所治的田之民也。至於祿。則比長以上用士者。下士予田百畝。中士二百畝。上士四百畝。使所治之農代耕之。大夫則食公田之祿。或不與之士田宅田官田及賞田若干也。故經皆有不言之文。不如後人爲文。必欲道盡也。

曲禮首節

禮記

曲禮曰毋不敬。儼若思。安定辭。安民哉。

毋不敬。心常兢兢也。儼若思。容貌斂慎。若有所思也。安定辭。不肆倍也。有此三者。而修己以安民矣。下將辭陳曲禮而本之以此。

春王正月

春秋

隱公元年春王正月。

元年春正月。謂建子月也。史文也。不書即位。亦史文也。以攝位臨年。不行即位禮也。正月上書王。則孔子筆也。以當時天下惟正朔適王也。餘禮樂征伐。皆不自天子出矣。是孔子之義也。

子曰學而時習之

全章

論語

子曰學而時習之不亦說乎。

一部論語。首揭一學字。見全書皆教士以學也。學。即下文學文也。學詩學禮也。君子學道也。文武之道。夫子焉不學也。以經證經。自明。習。重也。學而又學也。皇氏曰。時有三。一身中時。內則。十三學樂誦詩。成童學射御。二十學禮之類也。一年中時。王制。春秋教以禮樂。冬夏教以詩書。一日中時。學記所謂藏焉修焉。息焉遊焉是也。

有朋自遠方來不亦樂乎。

有朋可樂。自遠方來更可樂。

人不知而不愠不亦君子乎。

學以應人知也。人不知。則廣土聚民之欲。定四海民之樂。皆無能遂矣。宜乎慍矣。而君子所性。乃大行不加。窮居不損。選世無間。非君子而何。中而字念重便解。王崑綸曰。發皇於詩禮。跌宕於語孟。如此章首句。三實字。二虛字。次句一實字。三虛字。三段末句俱同。純以虛字指點咏歎。其妙自此始。如海外三神山。龜起插天。而下截盪漾水中。莫測其底。似隨風可去者。作一部之首。賦神化之筆也。晉疑論語多屬聖手親定。後學諸經或可分讀。惟論語宜人人熟讀也。

有子曰其爲人也 章

有子曰其爲人也孝弟而好犯上者鮮矣。不好犯上而好作亂者未之有也。

首句陡然提起。二句順下。如長江浩浩。以見孝弟之妙。三句言犯上小失耳。然且不爲。如大江中流一逆。四句又瀉下。浩浩而去。鮮矣。未之有也。前後盤顧。祇是孝弟則不犯上作亂一句耳。乃憑空一提。下作兩層渲染。其勢如霧湧雲蒸。不犯上作亂。卽仁象也。爲下節作案。

君子務本。本立而道生。孝弟也者。其爲仁之本歟。

有案卽可判矣。乃入君子二句。橫亘於中。一斷如金焦二山。橫截江中。山回水激。滌滌澎湃。奇觀大觀。孝弟二句。判斷上文之案也。也者。承上文之詞。其之與。咏嘆指點之詞。前後率然。而完愈見中二句之妙。一以道字明道皆有本。則末句出本字。不突。一以道字暗含仁字。一以見此章之旨。教人務孝弟也。

子畏於匡 章

子畏於匡。曰文王既沒。文不在茲乎。天之將喪斯文也。後死者不得與於斯文也。天之未喪斯文也。匡人其如予何。

畏、戒備也。修戎兵。整行伍。以禦敵也。故匡人圍數日。而不能加害。若後儒則束手就縛矣。曰者。解門人之疑懼也。文。詩書、禮、樂也。聖聖相傳之道也。文王沒而文在茲。見已得統於文王也。而詞何其宛轉證活。天之將喪二句。言文之在茲。乃天也。一反天之未喪句。一正與于斯文。在內。不必說明。文家明暗互用之法。匡人句。言已乃天意攸關之人。匡人能違天乎。一反一正。天憲如親。聖人知我知天之學也。如波之屬。如雲之委。

如連峯之參錯而聳立。孔子於患難中。而出語如律呂和鳴。此所以為聖人也。

子擊磬於衛 章

子擊磬於衛。有荷蕢而過孔氏之門者。曰：有心哉，擊磬乎！既而曰：鄙哉，硜硜乎！莫己知也，斯已而已矣。深則厲，淺則揭。子曰：果哉，末之難矣。

擊磬非如時解偶擊一聲也。想如今之搥鼓。有始有終。有抑有揚。或擊或拊。成一節奏。所謂一音自為小成是也。夫子將擊之。而問於人。故特書曰：子擊磬於衛。以起末果哉句也。蕢、草器也。以衣涉水曰厲。攝衣涉水曰揭。向疑論語亦可增損一二字。如此上有子擊磬。則此當曰過其門。不必曰過孔氏之門。今而知不可也。時解誤也。過、過從也。非經過也。荷蕢蓋特來孔門聽其擊磬。以致譏也。故特書過孔氏之門。以起下有心硜硜數語也。蓋微生畝之流。有心以下皆當面詞答。非荷蕢在門外言。夫子在門內答也。若門外行走。偶聽一聲磬。而即嘆有心。可己不已。雖聽如師曠。未必至是矣。

子路從而後 章

子路從而後。
一段。從而後三字。簡練。後人便用許多言語矣。從者。欲仕也。不亂倫也。

遇丈人以杖荷蓀。

一段。正義曰：丈人、老人之稱。說文：蓀，作蓀。禾田器。四字畫出丈人高潔之況。

子路問曰：子見夫子乎？

一段。史記載此事。在仕魯以後。春秋稱大夫為夫子。孔子既仕。其從必異。常人。故問之。非如時解作稱師語也。如執途之人而問我師。子路為不曉事矣。

丈人曰：四體不勤，五穀不分，孰為夫子？植其杖而耘。

一段。王法乾曰。言我四體不動於耘耔。則五穀草宅不分。安有暇工而辨過往者。離爲夫子乎。其言潔。杖植而耘。其事潔。活畫一箇隱者。

子路拱而立

一段。行行之勇。陡爾謙遜。卑牧如畫。丈人感動。高賢如此。子路見善起敬如此。皆絕世人物也。

止子路宿。殺雞爲黍而食之。見其二子焉。

一段。三層款洽細寫。前何其高冷。此何其溫謫。風雷立振。雲霞變色。見其二子句。已暗伏末節長幼句。

明日子路行以告。子曰。隱者也。使子路反見之。至則行矣。

一段。隱者欲潔其身者也。使反見。告以君臣之義也。聖心善與人同如是。至行前何其款洽。此何其縹渺。則矣二字。神筆。

子路曰。不仕無義。長幼之節不可廢也。君臣之義如之何其廢之。欲潔其身而亂大倫。君子之仕也。行其義也。道之不行。已知之矣。

一段。不仕句。如半空霹靂。一提。長幼句。一斷。文法則一閃。引之君臣之義句。乃頓上雷聲而下。欲潔句。接上斷定丈人之失。以望其改。君子之仕句。君子即孔子。子路乃舉孔子之行以示丈人。或謂孔子自言。非也。道之不行句。丈人謝世之意。不過以道不行。故於孔子之行。又一分說。使丈人無詞可抵也。以上共六折。又何其轉折而歷落。義何其詳明而善入。勇士能言如此。聖門人物不可及如此。敘事則左圍退避。議論則苟孟伏首。並無秦漢。安及唐宋耶。故曰。聖經真古文也。

孟子見梁惠王 章

孟子

孟子見梁惠王。王曰。叟不遠千里而來。亦將有以利吾國乎。孟子對曰。王何必曰利。亦有仁義而已矣。

孟子。仁義人也。王。利人也。見之者。欲以仁義轉其利也。全章之旨。首句已具。王曰叟。以叟必能謀利也。孟子對曰王。言王則當言仁義矣。

王曰。何以利吾國。大夫曰。何以利吾家。士庶人曰。何以利吾身。上下交征利而國危矣。萬乘之國。弑其君者。必千乘之家。千乘之國。弑其君者。必百乘之家。萬取千焉。千取百焉。不為不多矣。苟為後義而先利。不奪不廢。

王曰句。承上有以利吾國句。此曰字實。大夫曰。士庶人曰。二曰字虛。乃王倡之也。王以為己言之。人何敢效。而不知國中已紛紛喧嘩如此。上下交征利。將上三句一總。而國危矣。即順帶出下文國危駭人。萬乘之國六句。詳註國危。王以為言利。則專利乎己也。而乃遂首領不保矣。真是駭人。萬取千焉三句。見儘可以不奪也。上文萬馬奔馳矣。乃一頓以饒其勢。乃愈緩愈急。苟為後義。串插義字。而先利接上征利不奪句。收足言利之害。

未有仁而遺其親者也。未有義而後其君者也。

上作整齊之筆。如刀斧齊鳴。此作搖曳之筆。如游魚擺尾。上正疏。此反寫。皆換筆法也。寫仁義之妙如此。仁義不遺親後君。指國人也。而仁義必自王倡之。乃孟子不言者。以上節王倡言利。則國人皆征利。對觀即見也。故文家有得省。即省之法。

王亦曰。仁義而已矣。何必曰利。

結完。前接王問利。而起以仁義。故何必曰利句在前。亦有仁義句在後。此接上文寫仁義。故亦曰仁義句在前。何必曰利句在後。皆天然之節奏也。此孟子七篇之首也。最有章法文字。

萬章問曰。或曰。百里奚。章

萬章問曰。或曰。百里奚自鬻於秦。養牲者。五羊之皮。食牛以要秦穆公。信乎。孟子曰。否。不然。好事者為之也。

先推倒或言

百里奚。虞人也。晉人以垂棘之璧與屈產之乘。假道於虞以伐虢。宮之奇諫。百里奚不諫。

次敘
事

知虞公之不可諫而去之秦，年已七十矣，曾不知以食牛干秦穆公之爲汙也，可謂智乎？不可諫而不諫，可謂不智乎？知虞公之將亡而先去之，不可謂不智也。時舉於秦，知穆公之可與有行也，而相之，可謂不智乎？相秦而顯其君於天下，可傳於後世，不賢而能之乎？自鬻以成其君，鄉黨自好者不爲，而謂賢者爲之乎？

印事以斷，宛轉頓挫，極抗隊鉅鈞，學樂貫珠之妙。

桃應問曰 章

桃應問曰：舜爲天子，皋陶爲士，瞽瞍殺人，則如之何？

善哉問，憑空立案，大奇。

孟子曰：執之而已矣。

千古執法之區，一無迴避，如此氣象。

然則舜不禁與？曰：夫舜惡得而禁之？夫有所受之也。

又原其必執法之故。

然則舜如之何？曰：舜視其天下，猶棄敝屣也。竊負而逃，遵海濱而處，終身訢然樂而忘天下。

千古孝子之心，不以天下易吾親，如此行狀，憑空寫一天理人情之至，神卓於文者也。而其筆一何潔淨，一何高宕。

晉公子重耳出亡

僖公二十三年

左傳

晉公子重耳之及於難也。晉人伐諸蒲城。蒲城人欲戰。重耳不可。曰：保吾父之命而享其生祿。於是乎得二字一篇之主人。妙在無迹有人而校。罪莫大焉。吾其奔也。遂奔狄。從者狐偃、趙衰、二人顛頡、魏武子、司空季子。三人大書從者某某。正見得人狄人伐廩咎。采如獲其二女。叔隗、季隗。通篇夾敘女子。章法妙。雖是資。納諸公子。公子取季隗。生伯儵。叔劉。以叔隗妻趙衰。生盾。將適齊。先提一句。後敘過衛。敘法變。謂季隗曰：待我二十五年不來而後嫁。對曰：我二十五年矣。又如是而嫁。則就木焉。請待子。處狄十二年而行。過衛。衛文公不禮焉。出於五鹿。乞食於野人。野人與之塊。公子怒。欲鞭之。寫公子只子犯曰：天賜也。得人稽首受而載之。及齊。齊桓公妻之。又得子有馬二十乘。公子安之。寫公子只從者以為不可。人將行。謀於桑下。蠶妾在其上。又一女。是資。以告姜氏。姜氏殺之。而謂公子曰：子有四方之志。其聞之者。吾殺之矣。公子曰：無之。姜曰：行也。懷與安。實敗名。公子不可。寫公子只姜與子犯謀。醉而遣之。得人醒以戈逐子犯。只如及曹。曹宋鄭楚。曹共公聞其駢脇也。欲觀其裸。浴薄而觀之。僖負羈之妻曰。又一女子。吾觀晉公子之從者。皆足以相國。著眼不在公子而在從者。作者之意可知。若相夫子。必反其國。反其國而得志於諸侯。若誅無禮。曹其首也。子盍早自貳焉。乃饋盤飧。實璧焉。公子受飧。反璧。及宋。宋襄公贈之以馬二十乘。略及鄭。鄭文公亦不禮焉。與衛文公忽為聯絡。字亦變化。亦整齊。叔詹諫曰：臣聞天之所啓人弗及也。晉公子有三焉。天其或者將建諸君。其禮焉。男女同姓。其生不蕃。晉公子姬出也。而至於今。一也。離外之患。而天不靖晉國。殆將啓之。二也。有三士。足以上人而從之。三也。主不必定。五人妙。晉鄭同儕。其過子弟

固將禮焉。況天之所啓乎。與前天賜及後楚王亦歸之天相應。弗聽。及楚。楚子饜之曰。公子若反晉國。何以報不殺。對曰。子女

玉帛。則君有之。羽毛齒革。則君地生焉。其波及晉國者。君之餘也。其何以報君。曰。雖然。何以報我。對曰。若

以君之靈。得反晉國。晉楚治兵。遇於中原。其避君三舍。若不獲命。其左執鞭弭。右屬囊鞬。弭音米。弓末無緣者。鞬以受箭。

韓以受弓。屬音燭。著也。以與君周旋。咄咄道人。至此方極寫公子。然要知是音燭。著也。作者特地将得人撇開。反是用奇也。

有禮。極寫公。其從者肅而寬。忠而能力。在此。並說。晉侯無親。指惠。外內惡之。吾聞姬姓。唐叔之後。其後衰者也。

其將由晉公子乎。天將興之。誰能廢之。遠天必有大咎。乃送諸秦。秦伯納女五人。又得五。懷嬴與焉。一實四。

奉匭沃盥。既而揮之。怒曰。秦晉匹也。何以卑我。怒公子之。公子懼。降服而囚。杜註。去上服。自拘囚以謝之。公氣張矣。此又特按倒。

他日。公享之。子犯曰。吾不如衰之文也。得人。請使衰從。公子賦河水。公賦六月。杜註。喻公子反晉。必能匡王國。趙衰

曰。重耳拜賜。公子降拜稽首。公降一級而辭焉。衰曰。君稱所以佐天子者。命重耳。重耳敢不拜。對然止。

王崑綽曰。凡古人文字。看其著意處。便是神髓。著意於不著意處。更是神髓。此文起手晉曰。從者某某。以後處處寫從者。此著意處也。妙在得人二字。藏在公子口中。全不著迹。此著意於不著意處也。敘事。不可旁敘一事。又不可只敘一事。旁敘一事。則筆法亂。只敘一事。則筆法死。死則無文。亂則無章。不可旁敘一事者。精神只注一事也。不可只敘一事者。兼敘他事為襯貼也。此文精神注在得人。而處處兼寫女子作襯。是也。

崑綽評文固妙。然實當時事本如此。此文善能寫之。齊桓管文。皆酒色之徒。但能得人任賢。遂成霸業。此漢高祖唐太宗之前驅也。三代變為漢唐。天也。所謂天之所興。誰能廢之也。但少左氏妙筆。抒寫耳。

范武子教子

國語

范文子莫退於朝。武子曰。何莫也。曰。有秦客廋辭於朝。大夫莫之能對也。吾知三焉。武子怒曰。大夫非不能也。讓父兄也。出脫諸大。爾童子何知。而三掩人於朝。少年技癢。每有此。吾不在。晉國其弊。怒甚如聞。亡無日矣。平時

可。而况衰季。老成。擊之以杖。折委笄。有此慈父。宜交至言。非過語也。

管晏列傳

史記

管仲夷吾者。潁上人也。少時嘗與鮑叔牙遊。鮑叔知其賢。以鮑叔寫管仲。管仲貧困。常欺鮑叔。欺者。謂徑用同買之財。不通知鮑叔

也。非欺詐之欺。鮑叔終善遇之。不以爲言。已而鮑叔事齊公子小白。管仲事公子糾。及小白立爲桓公。公子糾死。

管仲囚焉。鮑叔遂進管仲。此一段完管仲既用。任政於齊。齊桓公以霸。九合諸侯。一匡天下。管仲之謀也。管仲

功業先舉括數語。管仲曰。此接寫鮑叔。却以管仲語寫鮑叔。前後離奇。吾始困時。嘗與鮑叔買分財利。多自與。鮑叔不以我爲貪。知

我貧也。吾嘗爲鮑叔謀事。而更窮困。鮑叔不以我爲愚。知時有利不利也。吾嘗三仕三見逐於君。鮑叔不

以我爲不肖。知我不遭時也。吾嘗三戰三走。鮑叔不以我爲怯。知我有老母也。公子糾敗。召忽死之。吾幽

囚受辱。鮑叔不以我爲無恥。知我不羞小節。而恥功名不顯於天下也。生我者父母。知我者鮑子也。千古

鮑叔既進管仲。盜叔前以身下之。大賢大子孫世祿於齊。有封邑者十餘世。常爲名大夫。說麟賢之發天下不

多管仲之賢。而多鮑叔能知人也。結鮑管仲既任政相齊。盜接管仲以區區之齊。在海濱。通貨積財。富國

強兵。與俗同好惡。故其稱曰。倉廩實而知禮節。衣食足而知榮辱。上服度則六親固。四維不張。國乃滅亡。

下令如流水之源。令順民心。故論卑而易行。俗之所欲。因而予之。俗之所否。因而去之。寫管仲功業。祇一因字。英雄可以觀矣。

大禹治水其爲政也。善因禍而爲福。轉敗而爲功。貴輕重。慎權衡。桓公實怒少姬而襲蔡。管仲因而伐楚。責

包茅不入。貢於周室。桓公實北伐山戎。而管仲因而令燕修召公之政。于柯之會。桓公欲背曹沫之約。管

仲因而信之。諸侯由是歸齊。故曰：知與之爲取，政之賢也。細寫其功業，不詳事而寫神。管仲富擬於公室，有三歸反坫。齊人不以爲侈。與鮑叔不以爲貪等，索隱云：名嬰，句故稍重，妙。管仲卒，齊國遵其政，常彊於諸侯。精管後百餘年，而有晏子焉。晏平仲嬰者，平，隱云：仲字。萊之夷維人也。事齊靈公、莊公、景公，以節儉力行，重於齊。既相齊，食不重肉，妾不衣帛。其在朝，君語及之，卽危言，語不及之，卽危行。國有道，卽順命，無道，卽衡命。順命，順受其命也。衡，橫陳也。謂委致其命，如哭莊公尸，從容而去是。以此三世顯名於諸侯。寫晏子事業已完，亦隱括寫。越石父賢，以下別敘知人二事，與管鮑掩映。在縲紲中。晏子出遭之途，解左騶贖之，載歸，弗謝。入閨久之，越石父請絕。晏子懼，厥將切，音驚也。然攝衣冠謝曰：嬰雖不仁，免于於阨，何子求絕之速也。越石父曰：不然，吾聞君子絀於不知己，而信於知己者，方吾在縲紲中，彼不知我也。夫子既以感寤而贖我，是知己。知己而無禮，固不如在縲紲之中。絕頂名。晏子於是延入爲上客。晏子爲齊相，出其妻從門間而闕其夫。其夫爲相御，擁大蓋，策駟馬，意氣揚揚，甚自得也。既而歸，其妻請去。夫問其故，妻曰：晏子長不滿六尺，身相齊國，名顯諸侯。今者妾觀其出，志念深矣，常若有以自下者。晏子至人，御妻奇目。今子長八尺，乃爲人僕御，然子之意，自以爲足，妾是以求去也。其後夫自抑損，晏子怪而問之。有心。御以實對。晏子薦以爲大夫。大史公曰：吾讀管氏牧民、山高、乘馬、輕重、九府及晏子春秋，詳哉其言之也。既見其著書，欲觀其行事，故次其傳。至其書，世多有之，是以不論論其軼事。先明作傳筆法，總說，下乃分贊。管仲，世所謂賢臣，然孔子小之，豈以爲周道衰微，桓公既賢而不勉之至王，乃稱霸哉。虛抑。語曰：將順其美，匡救其惡，故上下能相親也。豈管仲之謂乎。實揚，蓋謂齊桓不能行王道，故將順之成霸也。方晏子伏莊公尸，哭之成禮，然後去，豈所謂見義不爲

無勇者耶。言不可謂無勇。一揚切。與贊。至其諫說犯君之顏。此所謂進思盡忠。退思補過者哉。管仲變化。假令晏子而在。余雖爲之執鞭。所忻慕焉。

通篇看其斷續處。看其去相寫神處。筆下寫管仲。意中想知己。手揮五絃。目送飛鴻。情景欲絕。恨當世無人知而救之。故極推鮑晏之進賢下士。以風世也。文中寫管晏功業。在題面爲主。而在太史公意中。却爲賓。寫鮑晏進賢下士。在題面爲賓。而在太史公意中卻爲主。賓主錯雜。文家之妙也。若孔孟採筆。必別是一篇文字。蓋史文各隨史官之身分也。後世之史。採筆者既無身分。則亂脚亂塗耳。

原道

韓文公

博愛之謂仁。行而宜之之謂義。主中之由是而之焉之謂道。主足乎已無待於外之謂德。主中之賓。四語

綱而實仁與義爲定名。仁義爲主。而在此爲道與德爲虛位。故道有君子小人而德有吉凶。言道所以老

子之小仁義非毀之也。其見者小也。坐井而觀天曰天小者非天小也。彼以煦煦爲仁。孑孑爲義。其小之

也則宜。音異端論仁其所謂道。道其所道。非吾所謂道也。其所謂德。德其所德。非吾所謂德也。凡吾所謂道

德云者。合仁與義言之也。二句實一篇之綱。而此段卻天下之公言也。老子之所謂道德云者。去仁與義言

之也。一人之私言也。音異端論道周道衰。孔子沒。火於秦。黃老於漢。佛於晉。宋魏隋齊梁之間。其言道德仁

義者。不入於楊。則入於墨。又陪二不入於老。則入於佛。入於彼。必出於此。入者主之。出者奴之。入者附之。

出者污之。噫。後之人。其欲聞仁義道德之說。孰從而聽之。嘆佛老之老者曰。孔子吾師之弟子也。佛者曰。

孔子吾師之弟子也。爲孔子者。習聞其說。樂其誕而自小也。亦曰。吾師亦嘗云爾。不惟舉之於其口。而又

筆之於其書。噫。後之人。雖欲聞仁義道德之說。其孰從而求之。嘆異徒之爲誕。庸學之樂誕。甚矣人之好怪也。不求其

端不訊其末。惟怪之欲聞。又嘆數句。作一小束。古之爲民者四。今之爲民者六。古之教者處其一。今之教者處其三。小
 農之家一。而食粟之家六。工之家一。而用器之家六。賈之家一。而資焉之家六。奈之何。民不窮且盜也。後。又嘆教紛民。起以致窮盜。又一束。波
溷恣肆。以上總言。道之不可不原作起。古之時。人之害多矣。有聖人者立。領起然後教之以相生相養之道。單
道入爲之君。爲之師。爲之作。句法疊用。力厚而錯綜。驅其蟲蛇禽獸而處之中土。寒然後爲之衣。飢然後爲之食。木處而顛。
 土處而病也。然後爲之宮室。爲之工。以贍其器用。爲之賈。以通其有無。爲之醫藥。以濟其天死。爲之葬埋。
 祭祀。以長其恩愛。爲之禮。以次其先後。爲之樂。以宣其湮鬱。爲之政。以率其怠勸。爲之刑。以鋤其強梗。相
 欺也。爲之符璽斗斛權衡。以信之。相奪也。爲之城郭甲兵。以守之。害至而爲之備。患至而爲之防。又虛括
以補所不及。今其言曰。聖人。不死。大盜不止。剖斗折衡。而民不爭。老氏嗚呼。其亦不思而已矣。如古之無聖人。
 人之類滅久矣。何也。無羽毛鱗介。以居寒熱也。無爪牙。以爭食也。逆疏一束。作是故直起。相錯綜。君者。
 出令者也。臣者。行君之令而致之民者也。民者。出粟米麻絲。作器皿。通貨財。以事其上者也。君不出令。則
 失其所以爲君。臣不行君之令而致之民。則失其所以爲臣。民不出粟米麻絲。作器皿。通貨財。以事其上。
 則誅。今其法曰。必棄而君。臣去而父子。禁而相生相養之道。以求其所爲清淨寂滅者。佛氏嗚呼。其亦幸
 而生於三代之後。不見黜於禹湯文武周公孔子也。其亦不幸。而不出於三代之前。不見正於禹湯文武
 周公孔子也。感慨作束。一段辨佛。帝之與王。直起其號各殊。其所以爲聖一也。夏葛而冬裘。渴飲而飢食。其事殊。
 其所以爲智一也。今其言曰。曷不爲太古之無事。老氏是亦責冬之裘者曰。曷不爲葛之之易也。責飢之

食者曰。曷不為飲之之易也。即以喻作東。一段辨老。傳曰。古之欲明明德於天下者。先治其國。欲治其國者。先齊其家。

欲齊其家者。先修其身。欲修其身者。先正其心。欲正其心者。先誠其意。然則古之所謂正心而誠意者。將

以有為也。今也欲治其心。而外天下國家。滅其天常。佛。子焉而不父其父。臣焉而不君其君。民焉而不事

其事。又一段。辨佛。暮鼓晨鐘。舉佛老之法。而加之先王之教之上。廣便變收佛老。即由先王。之教四字。以引下文。幾何其不背而為異端

也。夫所謂先王之教者。何也。上文先王之教。帶言卻殺。斷殺入妙。博愛之謂仁。行而宜之之謂義。由是而

之焉。之謂道。足乎己而無待於外之謂德。大海涵潤。以下寶藏畢育矣。四句同起語。而用意各別。起手四句虛接。引

也。其文。詩書易春秋。其字作。其法。禮樂刑政。其民。士農工賈。其位。君臣父子。師友賓主。昆弟夫婦。其服。麻絲。

其居。宮室。其食。粟米果蔬魚肉。其為道。易明。而其為教。易行也。是故以之為己。則順而祥。以之為人。則愛

而公。以之為心。則和而平。以之為天下國家。則無所處而不當。故生則得其情。死則盡其常。郊焉而天神

格。廟焉而人鬼饗。屈注天潢。倒連滄海。跑紅孕紫。祥光萬道。以之為。曰。斯道也。何道也。曰。斯吾之所謂道也。

非向所謂老與佛之道也。叫明原道。以見適。堯以是傳之舜。是即上文斯道。斯道即上文其文七句。文其既曉。程

舜以是傳之禹。禹以是傳之湯。湯以是傳之文武周公。文。武。周。公。傳之孔子。孔子傳之孟軻。軻之死。不得

其傳焉。苟與揚也。擇焉而不精。語焉而不詳。又歷敘傳道之人。文氣酣暢淋漓。由周公而上。上而為君。故其事行。由周公而

下。下而為臣。故其說長。又作一束。惟其說長。然則如之何而可也。結出原道總濟。說即事也。曰。不塞不流。不止不行。

今人乃曰。只明吾道。不人其人。火其書。廬其居。明先王之道。以道之。必閉距。如之何則可。致。錄寡孤獨廢疾者。有養也。非變何以成教。

濟。其亦庶乎其可也。是。應。

汪洋恣肆。畔岸離合。而神明於法。大陣包小陣。大管包小管。曲折相對。兩落鉤連。游弈遠匪。孟子而後。惟此一篇。章法如登山。仰視積嶼。大勢屹然。然後策杖徐入。磴道曲折。已而過一嶺。又一嶺。過一峯。又一峯。遂臻絕頂。周原孕毓。萬象俱包。千岩皆朝。呼吸之氣。上通帝座。乃尋出路以歸。又如涉海亦然。茅鹿門。明之為古文者也。乃驚其變化詭譎。最難鑿定。又評祇如時論。一冒一承。六腹一尾。則一六分界。並未分析。安分六段。何以謂腹。先王之教以下。不反似腹身乎。而將以為尾乎。以時下策論而窺茲篇。宜其迷眩也。韓文遂曰眩人。而況先秦西漢。而況六經。此明一代所以痼于宋人簾下。有時文而少古文也。韓子謂道是虛字。謂即是仁義。得之聖經最確。易曰立人之道。曰仁與義是也。宋人看道。別是一物在氣先物先。則為異端之說所眩亂矣。夫道在天地先。而人尙可共由乎。

三字書

顏習齋

世行三字書。以便蒙誦也。傳宋玉伯厚作。而義不確當。予改正之。令門人塈押以韻。

古先聖學教人。有成法。當永遵。通篇年八歲入小學。習小藝。履小節。八歲以下當出入與卽席。必後。長讓莫

逆。至九年。教數日。十年時。宿外室。學書計。習幼儀。肄簡諒。是其宜。儀大略。謹進退。及灑掃。與應對。十三年

學樂作。誦詩歌。舞則勺。及十五入大學。習大儀。履大節。學之旨。在明德。暨親民。善為則。十五以下勤時術。舞

象嗣。嗣與御同學五射。及五御。二十冠。始裘帛。學五禮。孝弟飭舞。大夏。學乃博。畜其德。不外燠。三十壯。男事

當。學益博。無定方。孫朋友。視所志。小大成。在此時。古平上去不分迄四十始出仕。發慮謀。道進止。五六十居

官治。年七十。乃致仕。收此學宗。自唐虞。三事和。六府修。虞與修同六府者。曰水火金與木。土與穀。者火訓正

此德。利此用。厚此生。三事重。一德周祖之。曰三物。教萬民。使勿拂。一六德。智仁聖義中和。自涵咏。一六行。

孝友睦。嫻任。行乃淑。一六藝。禮樂射。御書數。用各適。二德孔門繼。諸賢從。或禮樂。或兵農。子雅言。詩書

禮性天道不可耳。文與行忠與信是四端。每諄諄也。忠信即誠意正心。三憑徵。凡此者確有憑。收足載經書。教人與何至。今但章句於實學。乃不務謹揭此以爲式。有志者自努力。

拾之墜地。舉之中天。天之未喪。斯文也。而文亦古程淵洪。

與王法乾書

先孝愨

類詢愚事。愚何事焉。雙親入風燭之年。多病多憂。爲子者將何心緒。計所能出。第類終日之左右而已。疇知老來景况。變化多似秋雲。喜怒復如童子。心遠虞氏。詎克於相得相順之多耶。一事而晨夕不知幾咎也。胡言心學耶。訓幼而未識章句。觀書而漫無心得。卽如曲禮少儀。如冠勿免。勞勿祖。暑勿褰裳之事。雖強勉之而多失。坐而箕踞者有之。立而跛者常焉。聖人謂出門如見大賓。豈不出門而猶有所放耶。使民如承大祭。豈不使民而猶有所寬耶。至釋君子不以獨行變節。不以夜浴改容。則其無時不敬可知也。所謂中庸不可能者。此物此志也。故君子必慎其獨。獨者人所不知而已所獨知之地。此又不知如何細密而始可也。史曰。文王陰行善。愚謂善必陰行而是也。若行善而欲人知。是掛榜修行矣。

撰句古拙。用意幽塞。善言德行之文也。子弟其當佩之。前言事親。後言敬修。似屬出車。而調理一片。章法自合。堪與家所謂暗朝也。不肯男樣謹識。

編主五雲王

編初成集書叢

種一他其及語韻文古

中華民國二十八年十二月初版

發行人

王 雲 五
長沙南正路

印刷所

商務印書館

發行所

商務印書館
各埠

G一六七〇上

朱徐

(本書校對者 潘同曾 黃津祥)

台



83
LA E1822